

---

**KEBAKTIN PEKAN DOA GBKP  
( I Perpulungen )  
WARI/BERNGI II, SENIN 25 MEI 2020**

**I. Persikapen :**

- Pt, Dk radu ras perpulungen nikapken si ertugas ras perlengkapen sini perluken i bas kebaktin.
- Asa bancina ban musik pengiring kebaktin, keyboard, gitar tah musik tradisional.
- Ngendeken lagu-lagu pujin, radu ras KAKR ras PERMATA
  - 1) Satukanlah hati kami tuk memuji dan menyembah  
Oh Yesus Tuhan dan Rajaku  
Eratkanlah tali kasih di antara kami semua  
Oh Yesus Tuhan dan Rajaku  
Bergandengan tangan dalam satu kasih  
Bargandengan tangan dalam satu iman  
Saling mengasihi di antara kami  
Keluarga kerajaan Allah
  - 2) Hari ini kurasa bahagia  
Berkumpul bersama saudara seiman  
Tuhan Yesus tlah satukan kita  
Tanpa memandang di antara kita  
Bergandengan tangan dalam kasih dalam satu hati  
Berjalan dalam terang kasih Tuhan  
Kau sahabatku Kau saudaraku  
Tiada yang dapat memisahkan kita  
Kau sahabatku kau saudaraku  
Tiada yang dapat memisahkan kita

**II. Kebaktin**

**1. Kata penaruh (ibabai sekalak Pt, Dk)**

Mejuah-juah man banta ngawan perpulungen Tuhan Jesus Kristus. Siumputi pekan doanta wari berngi peduaken alu metode partisipatif. Ija kerina kita atan pe anak-anakta muat bagin i bas perdalinen kebaktin bage pe i bas ertoto. Radu ras kita kerina ertoto guna jabu,

---

keluarga, perpulungen, gereja ras masyarakat inganta tading. Tema renungenta wari berngi enda eme, 'muat bagin i bas ertoto.' Alu meteruk ukur mari dage sisembah Tuhan si meteh kerina isi pusuh ras kecibal geluhta janah si endesken dirinta man baNa arah pertotonta.

- Ertoto
- Rende KEE No. 319:1-3 (ngendesken perlengkapen kebaktin man si mabai kebaktin) - **Perp. Tedis** -

Sada soranta muji Dibatanta, IA jine si njayam keg'luhenta  
Lalap IA 'ngkelengi tinepaNa, maler me kap tetap pasu-pasuNa

Sada soranta muji Dibatanta, s'lamat kita ban perkuah ateNa  
AlokenNa kita jadi anakNa, maler me kap tetap pasu-pasuNa

Sada soranta muji Dibatanta, lit perbeben b'rekenNa dalam puluh  
G'lah min kita enda jadi erbuah, maler me kap tetap pasu-pasuNa

## 2. **Votum + salam**

L I bas gelar Dibata Bapa si njadien doni ras isina kerina, i bas gelar Jesus Kristus si ertoto guna keselamatenta ras kerina isi doni, i bas gelar Kesah si Badia si mpengasup kita ertoto guna dirinta ras doni enda.

L Perkuah ate ras dame i bas Dibata Bapa, ras i bas Tuhan Jesus Kristus nari, i bas kerembaken Kesah si Badia ras kita (kam) kerina gelah. Amin.

P Amin.....Amin.....Amin....(**iendeken**)

L Ertoto suruh-suruhan ndai nina, "O, Tuhan, Dibata tuanku Abraham, bahanlah maka seh sura-surangku sendah, janah ingetlah padanNdu ras tuanku Abraham." (Kej. 24:12)

PERMATA ras KAKR (iulih 2x) (Iendeken bagi ngendeken KEE No. 379)

Ku tau Tuhan pasti jawab doa) 2x

Asal ku hidup suci tidak turut dunia

Ku tau Tuhan pasti jawab doa

Moria ras Mamre (KEE No. 379:1, iulih 2x)

Tuhan tetap nemani geluhku

Dingen mereken dalam man bangku

Ernalem gelah tetap ras ertoto man bana

Tuhan tetap nemani geluhku

----- Perp. Kundul -----

- 
- L Turang ras senina, Tuhanta Jesus Kristus erngena ate kal nandangi keluarga. Teridah arah kerja erdemu bayu i kuta Kana, ipesikapNa, ipekena-kenaNa, seh maka la teridah kekurangenna. IpepalemNa mami Petrus bas sakit-pinakit nari, ipasu-pasuna anak-anak, ipekekeNa anak perana i kuta Nain si enggo mate, ras si debanna. Keluarga me ingan Tuhan Jesus ncibalken kekelengenNa.

PERMATA ras KAKR (ngendeken KEE No. 202:3)

*Ola lupa 'rtoto baNa ras kataken bujur pe*

*Mbue kapen pemereNa ola lupa kita e*

*Ernalem gelah tutus min gelah*

*O Yesusku bahan aku ernalem gelah*

MAMRE, MORIA ras SAITUN

*Ola lupa 'rtoto baNa ras kataken bujur pe*

*Mbue kapen pemereNa ola lupa kita e*

*Ernalem gelah tutus min gelah*

*O Yesusku bahan aku ernalem gelah*

- L Tuhan Jesus mabai isi jabu gelah ermediate man jabuna ras sekelewetna. Kerina isi jabu ikut ertoto, notoken kegeluhen jabu ras jabu-jabu sekelewetna, notoken perpulungen dinging masyarakat inganna tading. I bas jabu e nari min maler pasu-pasu Dibata man kalak si deban.

KAKR Kuakap nge aku si man totonken rusur erkiteken aku anak-anak denga, sendah enggo ku eteh maka aku pe arus ertoto guna diriku, keluargaku ras teman-temanku, sampati aku Tuhan.

PERMATA

Kuete nge maka aku arus ertoto guna keluargaku, bapa-nande ras agi-agingku. Tapi rusuren la kuinget ertoto. Buen waktuku ndahiken dahin, sibuk urusan sekolah, erguro-guro ras teman, piah lupa ertoto. Diriku pe lupa aku notokenca, apaika kalak sedeban. Alemi aku Tuhan.

---

## MAMRE ras SAITUN SI DILAKI

Selaku bapa, aku me imam tengah jabu, si notoken kerina isi jabu gelah mejuah-juah, dinging erkemalangen man Dibata. Tapi megati ertoto e lenga kubahan bagin geluhku, adi sempat ras adi ku inget maka aku ertoto. Cukup ku akap anak-anak ras ndeharaku notoken aku. Alemi kal aku Tuhan.

## MORIA ras SAITUN SI DIBERU

Adi guna keluargaku, perbulangen ras anak-anakku, tutus nge ateku notokensa, apai ka tupung melala perbebenku, sakit pinakit si ngerimrim entah anak-anak si la bagi ukur, la erngadi-ngadi aku mindo gegeh man Tuhan arah pertotonku. Tapi guna perpulungen ras masyarakat inganku tading rusuren nge aku lupa notokensa. Lenga ku akap dahinku notoken jabu-jabu sekelewetku. Alemi kal aku o Tuhan?

.....Paksa teneng.....

- L I bas kesadarenta nandangi kelemahan ras keterbatasenta, marilah kita mindo perkuah ate Dibata, ras mindo gelah kita ialemi dinging ipengasupNa ngikutken sura-suraNa.

L+P Rende KEE No. 380 ) 2x

*O Tuhanku, alemi min*

*Salah dosangku alemi min.*

- L Turang ras senina meriah ukur Tuhan ngidah kita si reh man bana i bas kiniteruken ukur mindo pengalemi dosa, emaka niNa man banta :  
“Aku me Dibata si nepa doni enda alu kemulianKu, Aku setia man bandu, perkeleng ateKu tetap rasa lalap, amin gia kam rusur la ngikutken sura-surangKu, keleng ateKu la urak man bandu. Ku alemi dosandu, ras Ku bereken kengasupen man bandu ertoto guna se isi jabundu ras sekelewetndu. Ernalemlah man bangKu, sebab Aku kap ulu gegehndu.

L+P Rende KEE No. 176:1)2x

I bas toto ku belasken seh man baNdu Tuhanku

Ajar aku lah ngaloken si mehuli akapNdu

Pertotonku bagi Jesus sanga bas kinis’ranNa

Labo peratenku Bapa peratenNdu jadilah

---

### 3. **Renungan** : Perbahanen Rasul-rasul 21:1-6

Tema : Muat bagin i bas ertoto

Pertoton labo sada hal si latih, la menyita melala energi ras kalori adi ibandingken kita ku juma ntah erdahin ku kantor, ntah kita beraktivitas secara fisik, tapi pertoton membutuhkan sesuatu si lebih asa si e, eme kemauan yang lahir dari hati. Emaka adi sinen ibas tema-nta paksa enda, muat bagin ibas pertoton, labo sulit guna ertoto, ketika kita memiliki hati guna ertoto. Tapi pertoton menjadi sesuatu yang sangat sulit, ketika tidak lahir dari hati, dan tidak lahir dari sebuah relasi dengan Tuhan.

Melala nge ibas paksa genduari enda, ibas kita erbahan kebaktin i rumah, PJJ, lit nge piga-piga perpulungenta si nuriken maka, kami PJJ kancang i rumah pendeta banci ersoal, engkai? Persoalen ise si maba doa syafaat. Dosa kebaktin ningen enggo ersoal, enggo sidalih-dalihen. “Kam yah, aku lalap, kam la pernah”, bage me turah persoalen ibas mabai pertoton. Emaka kekelengen ni Tuhan, ibas paksa enda kita ibabai ibas sada perenungen, muat bagin ibas pertoton.

Adi si idah ndai perpulungen si idahi Paulus sanga erlayar atena menuju ku Jerusalem. Idahina me perpulungen si lit ibas daerah Tirus, sebab kapalna bongkar muaten ije. Luar biasa Paulus si berlayar ku Jerusalem, si atena ngeheneh perpulungen ijah, sebab perpulungen si sada kiniteken sangana iderpa perbeben, janah ia pe maba penampat ibas perpulungen-perpulungen si deban nari man perpulungen Jerusalem. Emaka seh kenca ia i daerah Tirus, ia ndahi perpulungen si enggo lit ije. Ertina Paulus labo menjadi sekalak turis ntah pe *traveler* ije, si erdalan-dalan saja, tapi

---

kesempatan si lit e igunakenna guna banci kepe bersekutu, mpegegehi, sharing ras perpulungen ije. Emaka sada minggu dekahna Paulus ringan ijah ras –ras perpulungen e. Perpulungen e meseksek mindo man Paulus gelah Paulus la pedah lawes ku Jerusalem erkiteken perbeben si mesangat jadi ijah, tapi bage seh waktuna berkat, iterusken Paulus me perdalannya.

Itaruhken perpulungen e me Paulus ku darat kuta, i tepi lawit, ikut ras ndehara ras anak-anak ikut naruhkenca. I tepi lawit ras-ras kalak enda erjimpuh ertoto. Adi sinen ijenda, perpulungen muat bagin guna notoken Paulus, bahkan tek kami ikut pe itotokenna perpulungen-perpulungen si deban, ikut pe perpulungen i Jerusalem. Perpulungen si lit ibas daerah Tirus enda mungkin labo perpulungen si megegeh, labo melala materi si lit ibas ia, tapi sada hal si banci si idah mereka punya hati untuk mendukung Paulus, bersafaat guna Paulus. Jadi, ijanari rehna ukur guna notoken Paulus? Lahir ibas relasi, kinitekenna nari! Uga perpulungen e lanai semata-mata berpikir soal dirina tapi berpikir kai nge si banci kusampati man Paulus enda, bage latihna, bage sulitna kari perdalannya ku Jerusalem, emaka kalak enda ertoto i tepi lawit ras kerina seisi jabuna.

Pertoton banci jadi sada hal si meresap, maba keriahen ketika pertoton e lahir ibas relasi/ hubungan. Pertoton e sejatinya eme relasi, tapi melala pertoton si jadi, lanai bo relasi, tapi jadi transaksi/ tawar menawar. Emaka melala kalak tawar menawar ras Tuhan ibas pertoton e. “Bicara bagenda banndu Tuhan emaka aku tutus, bicara malem kari pinakitku, je maka kami ku gereja.”

---

Adi kita sekalak ngeranai, e labo gelarna ertoto. Adi kita sekalak ngerana janah sisuruh Tuhan sinek, e pe labo ertoto, tapi e gelarna, mereken perintah, komando/ instruksi, tapi adi kita ngerana janah kita pe mbegiken kai nina Tuhan, eme ikataken pertoton. Emaka, ibas paksa enda, ibabai situhuna kita ras anak isi jabunta, uga pertoton menjadi sesuatu si bersifat pribadi, sada hal si erbahanca meriah, malem ateta, la menjadi sebuah paksaan, apalagi beban.

Tek kita ibas perpulungen mendukung pelayanen Paulus, situhuna perpulungen e enggo muat bagin si mbelin kel ibas pelayanen Berita si meriah. Engkai? Sebab ketika kita la mampu hadir secara fisik, nta pe mereken materi ras hal si deban, hadirilah kita ibas pertoton. Yakin kami, ibas kegeluhenta, melala kalak si deban, subuk sitandai bagepe si la sitandai si ertoto kerna kita, muat bagin notoken kita. Me tek nge kam maka lit kalak-kalak si deban, si mungkin labo ietehndu, la terbayangkanndu, ertoto kerna kam, kerna rumah tanggandu, kerna kesehatenndu, kerna pendahinndu, mungkin la pernah kita jumpa, tapi ia hadir dengan doanya. Adi ibas media sosial banci siidah ise si mengkomen, me-like statusta, tading klik, mis idah ise jelmana. Di kune ibere Tuhan kesempatan man banta guna ngidah ise-ise saja si ertoto guna kita, mungkin banci kita sengget dingen banci la siarap ngidah ise saja si enggo muat bagin ertoto guna kita.

Tek kami, ibas pelayanen kami selaku pendeta, lit dukungan ibas toto perpulungen, serayan, bagepe teman meriah si deban, ikut pe orangtua ras

---

keluarga. Alu bage ibabai kita ibas pekan berngi enda, buatlah bagin ibas pertoton. Sapaat ertina eme kita menjadi perantara kerna kalak si deban, i lebe-lebe Tuhan. Bali ras Abraham sanga ia ertoto kerna Sodom ras Gomor man Tuhan. Abraham jadi perantara kalak si tading i Sodom ras Gomora ras Tuhan. Emaka, ula siakap remeh ras basa-basi ketika lit kalak ngatakan, “totoken kami ya”, tapi totokenlah alu serius ras setia. Masalahna eme lalan rusur kita ncakapkan ras mengomentari situasi kalak si deban asangkan notokenca. Ibas gereja sanga banci denga kita gereja, tah sanga PJJ, lit nge sitotoken si ertugas, gelah ia ikuasai Kesah Si Badia, ngasup ndalanken pelayanenna, tah lalan si pandangi ibas si la mehuli.

Muat bagin ibas ertoto pe ertina kita la hanya menuntut itotoken, tapi pe bergerak aktif notoken kalak si deban. Anak notoken orangtua, orangtua notoken anak/ kempu, sitotoken serayanta. Janah inget, labo pertoton pendeta ngenca ibegiken Tuhan tapi pertoton kalak benar si tek man Tuhan. Inget Jakobus 5:16b, “pertoton kalak si bujur/ benar ergegeh kel.” Inget, pertoton kalak benar, labo pertoton si benar. Melala pertoton benar secara kata-kata, mejile ibegi, tapi jelmana la pernah menjadi orang benar, jadilah orang benar!.

Melala alasen engkai maka kita la muat bagin ibas ertoto. Banci jadi alasen sibuk, la lit waktu, lit sada film *War room* nuriken hal menarik nina bagenda, “ertoto la lit waktundu, tapi rubat, sitahanane lit waktundu.” Payo ari, main HP lit waktunta, rubat lit waktunta, main game, ber-media sosial lit waktunta, tapi ertoto la lit waktunta, intina kepeken soal hati/ pusuhta. Tek



---

kita pertoton e labo pernah sia-sia, si penting setia kita, ertoto alu terus menerus, ertoto alu sabar, sederhana, janah sitimai alu dem kiniteken jawaban pertotonta sue ras sura-sura Tuhan man banta. Labo peratenta jadi, tapi peraten Tuhan jadilah.

4. Pengakun kiniteken

**(Perp. Tedis)**

5. Persembahen

**(Perp. Kundul)**

L Kata Dibata i bas kita nehken persembahen : Dage tah kai gia ibahanndu, subuk i bas ngerana entah i bas perbahanen, bahanlah e kerina i bas gelar Tuhan Yesus Kristus janah ngataken bujur man Dibata Bapa arah Ia. (Kol. 3:17)

P Rende KEE No. 281:1,3

1. Kek'lengen Yesus kempak manusia, Desken Dibata engkelengi ia  
KekelengenNa maler kap man banta, Adi sipakelah pedahNa

Reff : Min sikeleng-kelengen kita k'rina

Bagi pedahken Yesus bas pustaka

SababNa kai si pindo bas gelarNa, Ib're Dibata man banta

3. Bas paksa kita nehken kekelengen, Ola min si ban ceda kempak teman  
Erban mehuli ola rahan-ahan, Lah kedamen jujurkan Tuhan

**Reff : ...**

6. Pertoton persembahen ras pertoton sapaat (sekalak anak KAKR,  
sekalak PERMATA, sekalak Moria ras sekalak Mamre)

KAKR Tuhan ikataken kami bujur bandu, i bas kerina rejeki ras  
kesehaten si iberekenndu man kami, gundari endesken kami  
sada bagin pemerendu arah persembahen pengataken bujur  
kami, pasu-pasulah Tuhan.

P Rende KEE No. 476

Tuhan begiken totoku enda, bengketi pusuhku

Tuhan begiken totoku enda, begiken min Tuhan

---

PERMATA Tuhan wari si pepagi pe iterusken kami denga pekan doa kami, pasu- pasu kami kerina gelah ikut muat bagin, ras-ras ertoto guna kerina manusia. Pasu-pasu pe orang tua kami si jadi tuan rumah berngi si pagi, tetap ia mejuah-juah ras meriah ukurna ngalo-ngalo kami terlebih ngalo-ngalo Kam bas pusuhna. Pasu-pasulah kami kerina Tuhan.

P Rende KEE No. 476  
Tuhan begiken totoku enda, bengketi pusuhku  
Tuhan begiken totoku enda, begiken min Tuhan

MAMRE Tuhan sampati kami kerina Mamre gelah ertoto e jadi bagin geluh kami, lenga akap kami erkedungen dahin kami adi lenga ertoto. Sampati kami pe gelah nginget kerina anak jabu kami ras notokenca gelah kerinana erkemalangen man bandu. Inget kami pe notoken jabu-jabu sekelewet kami Tuhan gelah keleng ateNdu maler kempaksa. Pasu-pasu pe kami kerina Tuhan.

P Rende KEE No. 476  
Tuhan begiken totoku enda, bengketi pusuhku  
Tuhan begiken totoku enda, begiken min Tuhan.

MORIA Bujur Tuhan bas keleng atendu nandangi jabu-jabu kami, ertoto kami man bandu kerna bangsa ras Negara kami, tetap ipasu-pasu kam kerina pemimpin kami gelah erkemalangen man baNdu, masyarakat si ipimpinna pe malang man baNdu. Bereken Kam serpang puluh i bas ngalaken erbage perbeben, pinakit sosial si lenga erkedungen, bencana alam si nderpa doni enda. Pasu-pasu gerejaNdu gelah ngasup ngelaken kekelengenNdu ku tengah-tengah doni enda. Atanken jabu kami pe ikut ngelaken kekelengenNdu e. Pasu-pasulah kami Tuhan.

P Rende KEE 476 )2x **(Perp. Tedis)**  
Tuhan begiken totoku enda, bengketi pusuhku  
Tuhan begiken totoku enda, begiken min Tuhan.

L Ras-ras kita ertoto bagi ni ajari Tuhan Jesus, ninta dage:  
O Bapa kami si ni surga.....

---

L Tuhan ndilo kita ras isi jabunta muat bagin ertoto guna jabu, perpulungen ras masyarakat sekelewetta. Arah ertoto pe jabunta banci jadi pasu-pasu man doni enda. Guna si e, alokenlah pasu-pasu idur Dibatanta nari:

Dibata Bapanta si enggo ndilo kita (kam) ku bas kemulianNa si rasa lalap i bas Kristus, Ia njadikan kita (kam) serta, njadikan kita (kam) tetap, njadikan kita (kam) megegeh dingén paguh. IA nge si mada kuasa seh rasa lalap. Amin.

P *Amin..... Amin..... Amin.... (jendeken)*

**Cat:**

**Pertoton dung kebaktin (ibabai sekalak serayan)**

**Tedis ras kundul rikutken kecibal ingan perpulungen**

**Pdt. Ebenezer Karo Sekali, S.Si, MM.**